

修訂日期: 2009/04/22 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 卍新纂續藏經 Vol. 26, No. 515

原始資料: CBETA 人工輸入, CBETA 掃瞄辨識

No. 515-A仁王護國般若波羅蜜多經科疏(并敘)

聞夫。真際寂寥。絕染淨於色心之域。法性空廓。超修證於理智之階。冲虛靈鑑。妙粹凝常。獨露萬象而非多。卓立十方而匪異。良繇非一多之緣起。染淨齊峙以融通。惟修證之體空。因果兩忘而交徹。是以空有空。空不空。有空有。有不有。不有有。有非常。不空空。空非斷。非斷故乃真空。非當故即妙有。然則妙有真空之道。同時相容而互即。一念交攝以相含。至於含攝雙忘。容即兩立。玄同真際。妙等法性。誠勝義諦中。真勝義性。迥出三乘。高超八部。乃此經窮微盡化之極譚。妙絕言思之玄唱也。故我

世尊。象駕俄臨鷲嶺。龍天列侍獅床。聖眾雲擁道場。

王臣風趨理窟。入定湛智海澄波。放光皎性天慧日。他方大士。妙花香燈作供。此土世主。寶幢幡蓋投誠。變淨土於塵沙。現寶臺於百億。佛踞金蓮。流徧恒沙國土。共譚般若。攝歸一派靈源。斯王念請護國。吾佛言答護心。示離相以明真。觀體空而行化。達身佛同一實相。標理事總一靈玄。乃護國之樞機。安邦之要徑也。既悟護果觀空。須達修因行化。故明性與無性。本一靈知。五十二位真修。一十四門玄趣。寄位權化。伏斷證修。至於三假俱空。一相無實。頭頭聳般若妙光。步步踏實相理地。二護既明。一真當顯。故諮二諦有無。意明本非一二。斯王偈讚。如來述成。為行法所依理體。果德能照智用耳。二護理事抗行。般若體用無二。是以斯王重諮護國。如來復示真慈。云國土。眾生共業招感。禍福。人心別業變現。心正則天清地寧。心邪則災殃禍崇。欲使千災頓息。萬禍潛消。須百法師。以持般若。嚴一道場。供諸聖容。故帝釋修持頂生即退。普明講演班足棄榮者。良有以也。然諸王領解。各各依真獻華。華變珍臺。佛佛共譚般若。或現一華多土。多土一華。大小染淨。互相攝入。誠謂罄宏廓之幽宗。盡難思之海會。故知一念淨信之福。勝化證恒沙小乘。舉心受持之功。超施七寶大德者。信不誣矣。向譚護果。未盡行因。復於五忍十地。詳示伏斷證修。度生數量。時劫短長。至令五方金剛。說呪往衛。意令因行大成。護國誠念究竟。是以依之護國。當念世道康和。仗之護果。頃刻菩提妙證。若夫祈皇圖而永固。祝

聖壽以無疆。舍此般若。其孰與焉。然念請護國。先說護果者。蓋以護果正念。為護國金湯。令國中七難潛消。五常彌布。即此護國深心。作轉凡妙藥。俾果上四智圓明。三身頓證。此則護國護果。無出乎忍地證修。相為用矣。乃至玄微既闡當時。勝益應霑末世。如來預憂法滅

王臣力能護持。諄諄示誡。切切叮嚀。時王領誨。泣撼三千。即誓行道。不制四眾。
經名甘露法藥。信服却病延年。受持功德。福等虛空。能護
國王。功高城壘。可謂一極悲心。大哀曠濟者也。大哉此經。三根普攝。五味俱含。
仰夫秦譯幽秘。天台疏闡玄微。竊惟唐翻靈篇。後哲未窺其奧。加以言空言有而義圓。
名同有空而體異。後昆有所未達。故貴從之為解。自
神祖戊午夏。因禮清涼山回。驚聞奴賊跳梁。失陷撫順。蒿目之憂。流注寤寐。誓弘
此典。上報
國恩。不揆膚受。筆錄成篇。時門人敬賢忠公。關中人。留心較梓。其志未滿。早作
古人。去年己巳。虜薄
都城。貴潛質山巖。亦被圍困。重整先心。希殄災厄。仰蒙
佛庇。法孫海濶。率徒寂妙等。捨命忘軀。夜扶老體。同戒密觀。還居本寺。後有門
人湛一肫公。營山人。精嚴教理。見圍厄已解。憶弘經念深。再四迫余。災木償願。
遂再參詳。欲辭達義通僭名科疏。庶覽者有秉燭之觀。無尋枝之厭。藉此以通經。經
通而意得。意既得矣。則般若智體。昭昭然於心目之間。晃晃乎於色塵之內。如是則
靈山不離當處。仁王即我
聖皇。五忍 朝中玉柱擎 天。十地塞外金梁架海。四夷消氛於無何有鄉。八表歸心
於
大明上國。聊盡報
國福民之葵誠。莊嚴聖教之丹悃也。疏成。非敢布諸講肆。取哂高明。唯便八十老人
。自備遺忘耳。

時

明崇禎三年。歲次庚午。佛成道日
京師慈慧寺開山嗣賢首宗第二十五代前
欽依皇壇承
旨講經論
賜紫玉環比丘蜀東普真貴謹序

仁王經科疏目次

卷首科文

懸譚

卷第一序品第一

卷第二觀如來品第二

菩薩行品第三

卷第三菩薩行品之餘

二諦品第四

卷第四護國品第五

不思議品第六

奉持品第七

卷第五奉持品之餘

囑累品第八

仁王經科疏目次(終)

No. 515

仁王護國般若波羅蜜多經科疏科文

明京師慈慧寺開山比丘 蜀東普真貴 述

將釋此經(三)

初歸敬請加(稽首)

二開章懸敘(二)

初舉數列章(將釋)

二依列牒釋(十)

初釋教起因緣(二)

初諸教因緣(初中)

二本經因緣(二)

初正明因緣(二別)

二明十利益(若一)

二釋藏教所攝(二)

初明藏攝(三)

初明三藏(第二)

二明二藏(二藏)

三明藏相攝(三明)

二明教攝(二)

初總明諸師(次明)

二別明五教(三)

初五教師宗(二別)

二五教法相(若約)

三明教相攝(五教)

三釋諸宗對辯(三)

初敘師承(三諸)

二列三宗(三)

初列法性(一唯)

二列法相(一三)

三列破相(三破)

三明宗相攝(三相)

四釋分齊幽深(二)

初明有境智(二)

初引論觀總標(四分)

二依標別釋(三)
初引起信五重(二)
初論經合辨(今初)

二通釋妨難(難云)

二引法界三觀(二)
初標列科目(二引)

二依標別釋(四)
初攝歸真實(初中)

二彰其無礙(第二)

三周徧含融(第三)

四結成深玄(上之)

三再釋妨難(再釋)

二明離境智(後明)

五釋教所被機(二)
初牒章總標(第五)

二依標別釋(三)
初約揀非器(初中)

二普收是器(後普)

三結前成種(然上)

六釋總辨教體(三)

初列數類簡(第六)

二依數牒釋(五)

初釋聲名句文體(初中)

二釋通攝所詮體(二通)

三釋諸法徧空體(三諸)

四釋會相歸性體(四會)

五釋理智無礙體(五理)

三結屬今經(以上)

七釋明經宗趣(二)

初敘義總標(第七)

二依標牒釋(二)

初通明諸宗(初通)

二別明此經(四)

初約理智為宗趣(二明)

二約五對為宗趣(若就)

三約十義為宗趣(然此)

四約心觀為宗趣(若會)

八釋會通地位(二)

初敘義分科(第八)

二依科別釋(三)

初引諸教不一(五)

初引始教(二)

初正引位次(四)

初引唯識(唯識)

二引瓔珞(瓔珞)

三引地持(地持)

四引金剛(金剛)

二舉數簡異(然前)

二引終教(若約)

三引頓教(若約)

四引圓教(二)

初約行布(若圓)

二約圓融(二圓)

五結揀諸位(二)

初配對結屬(此上)

二結括他宗(即知)

二明證真不二(二)

初立理標本(次明)

二互相攝屬(若諸)

三結歸觀心(此中)

九釋顯法護國(第九)

十釋部類品會(二)

初通示大部(第十)

二別顯今經(三)

初通明二經傳譯(二別)

二別敘今經疏解(然秦)

三唐譯御製經序(仁王)

三正釋經文○

○三正釋經文(三)

初釋經總題(仁王)

二譯主時德(唐三)

三崇古科判(三)

初法會緣致(二)

初證信序(二)

初當品名題(序品)

二入經詳解(二)

初信聞時處(如是)

二標列大眾(三)

初輔翼圓滿眾(二)

初三乘賢聖眾(三)

初無學眾(與大)

二有學眾(復有)

三菩薩眾(復有)

二三界人天眾(二)

初人眾(二)

初入道眾(二)

初五戒入道眾(復有)

二七賢入道眾(復有)

二國王眾(復有)

二天眾(三)

初欲界天眾(復有)

二色界天眾(色四)

三諸趣修羅眾(諸趣)

二變化流通眾(復有)

三總結眾集(有如)

二發起序(二)

初定瑞開發(二)

初時定光彩(爾時)

二當機助發(二)

初覩瑞興疑(二)

初時眾罔知(爾時)

二匿王請決(二)

初知必說法(時室)

二問眾無酬(即問)

二作樂覺悟(波斯)

二光明徧覺(二)
初放光現化(爾時)

二光被有緣(二)
初總顯普益(是佛)

二別明來眾(二)
初標方列名(彼他)

二持供禮佛(持種)

二正演玄微(二)
初分科略敘(此下)

二依科釋文(四)
初內護佛法顯理虛玄(二)
初略開二護(二)
初當品名題(觀如)

二正解經文(三)
初預知請意(爾時)

二略開誠聽(善男)

三領誠讚供(是時)

二問答廣釋(二)

初當機正問(時波)

二如來垂答(四)

初明自利答第一問(三)

初正觀空理(二)

初正演真空(二)

初標宗正釋(二)

初正釋(二)

初指所化境(佛告)

二能化之智(二)

初正觀蘊空(不觀)

二徵釋喻顯(所以)

二結行(是為)

二問答重釋(三)

初明三種般若(三)

初實相般若(二)

初問何相化生(波斯)

二不住相化(二)

初真則無化(佛言)

二俗則有化(二)
初明因假故有(繇世)

二明執有迷真(大王)

二觀照般若(二)
初智照相違問(波斯)

二理智一如答(二)
初略標宗答(佛言)

二廣徵釋答(二)
初所觀俱空(二)
初總顯性空(所以)

二歷觀諸法(二)
初正明法空(是即)

二釋成空義(是諸)

二明能觀雙照(二)
初觀照有無(二)
初真實般若(以甚)

二相似般若(諸有)

二明其得失(二)
初邪觀則失(善男)

二正觀則得(二)
初以理正觀(若於)

二具足聖位(聖智)

三文字般若(三)
初多佛共說(大王)

二舉事況勝(若有)

三明信解相(二)
初正明文字相空(所以)

二兼明行位俱空(何以)

二明依教發觀(二)
初凡夫邪觀(大王)

二智者正觀(三)
初人天染淨空(有情)

二聖賢斷證空(三界)

三說聽法性空(善男)

三總結答意(大王)

二總結答意

二別觀佛身(三)

初如來垂問(爾時)

二匿王敬答(三)

初總顯真空(波斯)

二別明離相(四)

初離世間法(無前)

二離對待法(明無)

三離度蔽法(非施)

四離業報法(非來)

三結歸真際(心行)

三印許令觀(佛言)

三時眾得益(說是)

二明利他答第二問○
三二利雙修答第三問○
四明二護所依真理○

二外護國難顯法妙利○
三報恩供養顯果難思○
四弘經相貌顯教無盡○

三遐芳萬古○

○二明利他行答第二問(二)
初當品名題(菩薩)

二正釋經文(二)
初當機請問(爾時)

二如來垂答(三)
初答前二問(三)
初正答二問(二)
初正答前問明利他(三)
初略答(佛告)

二廣答(五)
初伏忍位(三)
初習種性(善男)

二性種性(復次)

三道種性(復次)

二信忍位(復次)

三順忍位(復次)

四無生忍(復次)

五寂滅忍(三)

初因果對辨(復次)

二別明果相(一切)

三依宗明異(三)

初指攝生分齊(善男)

二斥邪說難憑(若有)

三引昔說證今(大王)

三總結(是為)

二答後問兼自利(二)

初總牒前問(佛言)

二再為垂答(三)

初略標地行(菩薩)

二廣申義相(十)

初歌喜地(若菩)

二離垢地(若菩)

三發光地(若菩)

四燄慧地(若菩)

五難勝地(若菩)

六現前地(若菩)

七遠行地(若菩)

八不動地(若菩)

九善慧地(若菩)

十法雲地(若菩)

三結顯道同(是為)

二說偈讚佛(三)

初時眾供贊(爾時)

二匿王偈讚(三)

初總頌三寶(二)

初頌三寶業用(二)

初讚佛三業清淨(世尊)

二讚眾聞法得益(時眾)

二頌五忍深玄(三)
初因果同依(五忍)

二果位獨超(唯佛)

三含攝三寶(佛法)

二別頌五忍(五)
初頌伏忍(二)
初正頌忍位(二)
初頌十信位(十善)

二頌住行向位(習種)

二別頌忍德(二)
初結前忍位(伏忍)

二頌後勝進(二)
初明出生因果(三世)

二明心相功能(若得)

二頌信忍(二)
初正頌信忍(三)
初頌初地忍(二)
初頌寄位功能(歡喜)

二頌入位功德(入理)

二頌二地忍(離垢)

三頌三地忍(發光)

二總結信忍(歡喜)

三頌順忍(二)

初正頌順忍(三)

初頌四地忍(燄慧)

二頌五地忍(難勝)

三頌六地忍(現前)

二總結斷證(燄慧)

四頌無生忍(三)

初頌七地忍(二)

初頌地位行相(遠行)

二頌斷惑分齊(進入)

二頌八地忍(不動)

三頌九地忍(善慧)

五頌寂滅忍(二)
初頌下忍位(二)
初正頌十地(法雲)

二結忍分齊(寂滅)

二頌上忍位(三)
初頌蕩無纖塵(無明)

二頌富有萬德(寂照)

三頌超絕因位(三賢)

三頌結讚佛德(三)
初頌佛慈蔭物(如來)

二頌說法無畏(口常)

三頌眾喜頂禮(塵沙)

三時眾獲益

三如來讚述(二)
初讚能說甚深(二)
初指王昔跡(爾時)

二印王勝解(如是)

二嘆所說甚深(三)

初正讚所說(三)

初讚不可思議(二)

初指法難思(善男)

二假徵廣釋(三)

初就佛化身明不思議(何以)

二就眾生明不思議(二)

初正釋難思(三)

初人法對辨明不思議(二)

初正明法空(善男)

二明人空(一切)

二境智合辨明不思議(二)

初辨境空(法境)

二辨智空(善男)

三結上四義總顯難思(是以)

二總結名義(如是)

三雙結因果名不思議(是故)

二釋不可稱量(善男)

三釋唯佛乃知(三世)

二勸如理修(二)

初正嘆勸修(善男)

二推徵廣釋(何以)

三大眾讚益(是時)

二答第三問○

三時眾獲益(說是)

○三二利雙修答第三問(三)

初牒前問意(爾時)

二正答其相(三)

初標義略答(菩薩)

二申宗廣釋(二)

初所化如幻(七)

初明法假(三)

初明夢識能為識本(然諸)

二明本識能生色心(從初)

三明色心能成陰等(色名)

二明受假(善男)

三明名假(善男)

四相續假(諸法)

五相待假(諸法)

六因成假(諸法)

七緣成假(一切)

二能化如幻(善男)

三總結名義(是為)

三時眾獲益(說是)

○四明二護所依正理(二)

初當品名題(二諦)

二正釋經文(三)

初問答明旨(三)

初明二諦不二(四)

初匿王請問(爾時)

二如來垂答(佛言)

三引證昔說(三)

初正申二諦(三)

初明無作二諦(爾時)

二明無性二諦(法性)

三明圓融二諦(無無)

二正答所問(三)

初理智相對遣一異(有無)

二理智相對遣情執(解心)

三理智相對入真義(於解)

三結成上義(三)

初世諦有無(世諦)

二聖見有無(幻化)

三結成正觀(若了)

四釋成二諦(二)

初明常二義(大王)

二明常一義(三)

初標能所以明一(佛及)

二約境智以明一(以一)

三約染淨以明一(菩薩)

二明說法不二(三)
初當機啟請(波斯)

二如來垂答(二)
初明說空(佛言)

二明修空(二)
初正辯修習(大王)

二逐難重釋(三乘)

三總結前文(大王)

三法門不二(三)
初機教相違問(波斯)

二教繇機異答(二)
初雙標總答(佛言)

二微釋不異(二)
初約機器明二諦(何以)

二約觀照明二諦(若菩)

三結答不二(是故)

二勸持功德○
三時眾獲益(說是)

○二勸持功德(三)
初嘆教同說(大王)

二舉益勸持(汝等)

三較量顯勝(四)
初舉能較量(二)
初佛佛無盡(大王)

二般若無量(是諸)

二舉所較量(二)
初以一分較全分(於諸)

二以一念較解持(若有)

三結顯成佛(即與)

四時眾得益(說是)

○二外護國難顯法妙利(二)
初當品名題(護國)

二正演玄微(三)

初誠聽許說(爾時)

二廣釋本義(三)

初廣明護法(三)

初護國功德(四)

初所護之時(一切)

二能護之法(三)

初標法勸持(汝等)

二建立福田(嚴飾)

三講聽難滅(每日)

三明護法體(大王)

四顯所護難(二)

初明所護六難(若國)

二明能護般若(是諸)

二護福功德(若於)

三護難功德(疾疫)

二引古證今(二)

初引天事證護國(二)

初頂生興惡滅帝(大王)

二天帝依法得樂(時彼)

二引人王證護國(二)
初引昔難事(大王)

二明能護難(二)
初請假修福(其普)

二正明護難(二)
初依教請佑(其王)

二說偈開心(二)
初正說偈文(四)
初說無常理(時彼)

二說俱苦理(生老)

三說皆空理(有為)

四說無我理(識緣)

二聞者獲益(三)
初王聞悟解(爾時)

二復行轉教(其王)

三開覺邪心(三)
初斑足開解(時斑)

二諸王還國(汝各)

三班足棄位(時斑)

三結示勸持(三)

初明過去依法獲報(大王)

二明現在應當受持(汝等)

三明未來亦應受行(若未)

三時眾得益(說是)

○三報恩供養顯果難思(二)

初當品名題(不思)

二正演玄微(三)

初散華供養(三)

初聞法歡喜(爾時)

二散華顯妙(三)

初散行華(散百)

二散般若華(復散)

三散妙覺華(復散)

三諸王敬願(時波)

二嘆教歡持(佛言)

三現通利益(二)

初變現難思(二)

初標章舉數(爾時)

二別敘神變(一華)

二時眾獲益(當佛)

○四弘經相貌顯教無盡(二)

初當品名題(奉持)

二正解經文(三)

初正明奉持(三)

初匿王見佛(爾時)

二正申請益(二)

初讚法難思(白佛)

二請問奉持(云何)

三佛為垂答(二)

初說長行(三)

初總標忍行(二)

初標法指人(佛言)

二勸令供養(汝等)

二別明忍相(十三)

初習種性(四)

初標位指人(善男)

二發心利物(修十)

三根純德善(聞讚)

四別顯不定(善男)

二性種性(三)

初標位示住(復次)

二顯其行業(二)

初別明觀修(捨財)

二治倒復真(對治)

三入位時行(中品)

三道種性(三)

初標位示修(復次)

二觀行差別(五)

初觀法無生(觀諸)

二觀修全性(所修)

三觀性起修(住無)

四觀法皆如(善觀)

五示受生處(雖常)

三入位時行(上品)

四歡喜地(三)

初標位超出(復次)

二智行差別(四)

初通明二智(住平)

二斷除惑障(斷諸)

三方便起修(二)

初總明修習(大悲)

二別明方便(非證)

四重明二智(三)

初實智離相(善男)

二權智自在(方便)

三法喻合顯(如水)

三入證時節(三)

初刳行分齊(於四)

二智願自在(此地)

三修檀利生(念念)

五離垢地(三)

初標名示位(復次)

二本地行業(四無)

三證入時節(於五)

六發光地(三)

初標名示跡(復次)

二明其行業(住無)

三入證時節(於六)

七燄慧地(三)

初標示名迹(復次)

二當地行業(三)

初觀忍斷證行(修行)

二修習助道行(修智)

三成就勝進行(為欲)

三入位時行(於七)

八難勝地(三)

初標示名位(復次)

二本地觀修(二)

初自利行(以四)

二利他行(二)

初能利之行(為利)

二所利之益(但為)

三入位時節(於八)

九現前地(三)

初標示名跡(復次)

二本地觀修(二)

初總顯住斷(得上)

二別觀因緣(大悲)

三入位行時(於九)

十遠行地(三)

初標示名位(復次)

二本地觀修(二)
初總明斷證行(修無)

二別明不住行(住於)

三入位時行(於十)

十一不動地(三)
初標名示位(復次)

二當位修證(二)
初明寂滅忘緣(住無)

二明悲願雙運(二)
初佛加起行(由本)

二悲利羣生(以十)

三入位時行(於千)

十二善慧地(三)
初標名示位(復次)

二本地行業(二)
初略顯斷證(住上)

二別明業用(具大)

三入位時行(於萬)

十三發雲地(三)

初標示名位(復次)

二本地行業(無量)

三對位顯勝(三)

初伏斷差別(二)

初總標伏惑(善男)

二別明漸斷(無相)

二因果差別(金剛)

三約證道修別(二)

初約無間道(善男)

二約解脫道(若解)

三總結忍義(善男)

二重偈諷○

二別勸奉持○

三時眾獲益○

○二重偈頌(二)

初總頌伏忍位(爾時)

二別頌四忍(十一)

初頌歡喜地(初證)

二頌離垢地(遠離)

三頌發光地(滅壞)

四頌燄慧地(清淨)

五頌難勝地(如寔)

六頌現前地(觀察)

七頌遠行地(方便)

八頌不動地(住於)

九頌善慧地(得四)

十頌發雲地(智慧)

十一頌佛地(滿足)

○二別勸奉持(四)

初護國勸持(二)

初略嘆難時(四)

初舉滅勸持(佛告)

二明般若力用(一切)

三釋付囑所以(我以)

四別付匿王(是故)

二廣嘆諸難(四)

初標除難福生(大王)

二別問答廣明(二)

初匿王請問(波斯)

二如來酬答(三)

初略明七難(七)

初日月失度(佛言)

二星辰失度(二者)

三大火四起(三者)

四時序改變(四者)

五暴風數鼓(五者)

六天地亢陽(六者)

七賊盜蜂攢(七者)

二總結無量(大王)

三勸令持經(一一)

三諸王驚問(爾時)

四佛答所因(佛言)

二讚名勸持(二)

初讚名殊勝(三)

初約法讚德(大王)

二喻況顯勝(如摩)

三以法合顯(此般)

二勸興供養(三)

初標示供養之法(汝等)

二別明無間供養(若欲)

三喻明供養極功(如事)

三釋勸持所因(三)

初因過去福力故(大王)

二恐現生福衰故(若王)

三作未來利益故(三)

初明人王護法為因(大王)

二明佛聖遣護為緣(三)

初標指其數(我令)

二別列光印(五)

初東金剛手(東方)

二南金剛寶(南方)

三西金剛利(西方)

四北金剛藥叉(北方)

五中般若金剛(五中)

三結顯其益(是五)

三明菩薩說呪護國(二)

初菩薩興慈(二)

初本願須護(二)

初在處護經(爾時)

二法在國安(令其)

二呪力能護(二)

初呪力神速(世尊)

二正說神呪(即於)

二佛聖讚善(二)

初諸佛共護(爾時)

二不久得果(不久)

四稱名付囑(大王)

○三時眾獲益(四)

初眾願不生難國(時諸)

二諸王出家得忍(時十)

三人天散華得法(爾時)

四菩薩散華得忍(二)

初得定住忍(無量)

二利生成道(無量)

○三流通分(二)

初當品名題(囑累)

二正演玄文(二)

初付囑誠勅(三)

初正明付囑(二)

初付囑其時(佛告)

二付囑人法(此經)

二別明誠勅(七)
初誠滅法過(四)
初舉滅法時(大王)

二明滅法人(一切)

三辨滅法過(二)
初制止四正(制我)

二建立三邪(白衣)

四結滅法過(當知)

二誠壞四眾行(大王)

三誠禁不依法(大王)

四誠自相破滅(三)
初誠自毀(大王)

二誠起惡(壞我)

三招殃報(當墮)

五誠非理苦役(大王)

六誠謬信橫制(四)
初示修善(大王)

二示作惡(而惡)

三示謬信(其王)

四示時過(橫立)

七誠自作自咎(大王)

三結成不盡(若具)

二依教奉行(二)

初依法奉持(四)

初諸王感傷(二)

初正明傷感(爾時)

二依教護法(時諸)

二大眾咨嗟(爾時)

三請問經目(爾時)

四佛為垂答(三)

初正答經名(佛告)

二讚法廣大(大王)

三功德護國(若有)

二結會喜持(佛說)

仁王護國般若波羅蜜多經科疏科文(畢)